

UGOVOR O PRUŽANJU USLUGA
"SERVIS VATROGASNIH APARATA"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **VATROSISTEMI** ul. Safeta Zajke br. 304., koju zastupa direktor Berin Mesihović, (u daljem tekstu: **Izvršilac**), ID broj: 4200117260007.

U daljnjem tekstu Ugovora, kada se Naručilac i Izvršilac navode zajednički, tj. zbirno, tada su označeni kao "Ugovorne strane".

II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Izvršioca broj: 23-0100-002027 od 01.09.2023. godine i Zapisnik o provedenom postupku za javnu nabavku usluge: "Servis vatrogasnih aparata", Naručioća, broj: 06-11-1011-2/23 od 05.09.2023. godine.

III PREDMET UGOVORA

Član 1.

Predmet ovog Ugovora je nabavka usluge: "Servis vatrogasnih aparata" prema tehničkoj specifikaciji i pozivu za dostavu ponude broj: 06-11-1011-1/23 od 30.08.2023. godine.

IV CIJENA I NAČIN PLAĆANJA

Član 2.

Ukupno ugovorena cijena za izvršenje usluga iz predmeta ovog ugovora iznosi do 5.042,70 KM (slovima: pethiljadačetredesetdvije i 70/100 KM).

U ukupno ugovorenu cijenu iz prethodnog stava ovog člana uračunati su troškovi PDV-a i isti padaju na teret Naručioća.

Član 3.

Plaćanje usluga iz člana 1. ovog Ugovora, Naručilac će vršiti uplatom na račun Izvršioca br: 161 000 00479000-66 otvoren kod Raiffeisen banke d.d. BiH, sukcesivno prema obavljenim uslugama, a na osnovu ispostavljenih računa u roku od 15 (petnaest) dana.

Član 4.

Izvršilac se obavezuje da će Naručioću naplatiti samo stvarno punjene, kontrolisane i servisirane vatrogasne aparate, a stanje istih će kontrolisati ovlašteni predstavnici Ugovornih strana.

Naručilac nema obavezu plaćanja punog iznosa iz člana 2. ovog Ugovora.

V ROK I MJESTO PRUŽANJA USLUGA

Član 5.

Izvršilac usluga se obavezuje da će usluge iz člana 1. ovog Ugovora vršiti u skladu sa potrebama Naručioca u periodu do 12 (slovima: dvanaest) mjeseci od dana potpisivanja Ugovora ili do vrijednosne realizacije iz člana 2. ovog Ugovora. Ugovorene usluge će se pružati na području Kantona Sarajevo.

VI KVALITET PRUŽENIH USLUGA

Član 6.

Izvršilac se obavezuje, da će usluge iz člana 1. ovog Ugovora izvršavati kvalitetno i blagovremeno, prema iskazanim potrebama Naručioca, u skladu sa važećim standardima i propisima određenim za ove vrste usluga.

VII OBAVEZE PRODAVCA I KUPCA

Član 7.

Izvršilac se obavezuje:

- da će ugovorene usluge (periodični pregled aparata, punjenja aparata i kontrolni pregled aparata) pružati blagovremeno, prema specifikaciji i u zakonskom roku određenom za ovu vrstu usluge, u skladu sa zahtjevom za dostavu ponude, a sve prema dostavljenoj Ponudi;
- da će u cilju izvršenja ugovorenih usluga obezbijediti potrebne stručne kadrove i materijalno-tehnička sredstva;
- da će po izvršenom servisnom pregledu aparata pripremiti kontrolni list za svaki aparat pojedinačno.

Član 8.

Naručilac se obavezuje:

- da će izvršiti uplatu prema dostavljenim fakturama za isporučenu uslugu, na način i u roku utvrđenom u članu 3. ovog Ugovora;
- da će pismeno obavijestiti Izvršioca o svakom eventualnom propustu prilikom pružanja predmetne usluge u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Izvršilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.


Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Isporučioca.

Član 13.

Ugovor je sačinjen u 5 (pet) istovjetnih primjerka, od kojih Kupac zadržava 3 (tri), a Prodavac 2 (dva) potpisana i ovjerena primjerka.

IZVRŠILAC
VATROSISTEMI d.o.o.
DIREKTOR
Berin Mesihović



NARUČILAC
KUCZ KS
P.O. DIREKTORA
Mirela Alihodžić

Broj: 04-01-190/23
U SARAJEVU, 07.09.2023 godine

Broj: 06-11-1011-3/23
U Sarajevo, 05.09.2023. godine

